

CONVENIO DE COLABORACIÓN ENTRE A FUNDACIÓN CIDADE DA CULTURA DE GALICIA E FUNDACIÓN PAIDEIA GALIZA PARA A REALIZACIÓN DE ACTIVIDADES CONXUNTAS DE PROMOCIÓN DE ESPACIOSCO-WORKING

MEMORIA XUSTIFICATIVA

A Directora Xerente da Fundación Cidade da Cultura de Galicia, **DECLARA:**

Que esta Fundación Cidade da Cultura de Galicia ten previsto formalizar con FUNDACIÓN PAIDEIA GALIZA o instrumento convencional arriba referido por un período de vixencia que abrangue ata o 19 de maio do 2017, con posibilidade de prórroga automática por períodos anuais.

Que o instrumento convencional ten por obxecto:

A colaboración entre ambas as entidades, para a promoción, difusión e posta en valor dos seus respectivos espazos co-working / incubadoras. En concreto, a colaboración recíproca abarcará os seguintes puntos;

I. Permitir aos usuarios dun espazo de co-working xestionado por unha das entidades convenientes, o uso dun espazo co-working xestionado pola outra parte asinante do convenio, sempre vinculado á dispoñibilidade de espazo efectivo e á ocupación do mesmo, con prioridade aos arrendatarios de cada un dos espazos.



II. Participación dos usuarios dun espazo de co-working xestionado por unha das entidades convenientes, nos eventos de networking, exposicións e actividades promovidos pola outra entidade asinante do convenio.

III. Desconto dun 50% nas actividades promovidas por cada unha das partes, durante o tempo que dure dita actividade.

IV. Visibilización do empresario co-worker ou do seu produto no showroom dedicado ao Espazo de Co-working que cada entidade teña nas súas instalacións (agás centro Mans en Padrón).

V. Difusión, promoción e publicidade conxunta de eventos, exposicións e actividades propias de cada entidade, nas redes sociais xestionadas por ambas as institucións.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamentan no seguinte:

A Fundación como titular da Cidade da Cultura de Galicia, segundo o Plan Estratéxico da Cidade da Cultura para o período 2012-2018 (ou Plan Gaiás) aprobado 21 de xuño de 2012 polo Consello da Xunta de Galicia, pretende facer do Gaiás o motor de desenvolvemento socio-económico baseado na cultura, a innovación e a proxección exterior. O Plan é unha aposta pola innovación, a imaxinación e a creatividade como aspecto fundamental para o crecemento económico elaborado con criterios de eficiencia e austeridade.



Entre as medidas previstas do citado Plan, figura especificamente a de Prestación integral de apoio ao emprendemento de novas empresas culturais e creativas (Plan de actuación - PE.4 Emprendemento: Obxectivo estratéxico -3.2: Indicador Base e Empresas Incubadas: Obxectivo 2015-100)

Esta medida conclúu na habilitación dun espazo co-working para creadores e emprendedores das industrias culturais e creativas, un viveiro de empresas que posibilita a incubación de proxectos empresariais innovadores e a posta en marcha dun programa de asesoramento e acompañamento de creación de empresas creativas.

Por outra banda, a FUNDACIÓN PAIDEIA GALIZA, é unha entidade sen ánimo de lucro, titular do Centro de Iniciativas Empresariais “MANS”, que considera de gran relevancia a realización de actividades dirixidas a favorecer a xeración e creación de empresas así como o impulso e promoción do emprendemento.

A iniciativa Centro de iniciativas empresariais Mans (con centros de coworking en A Coruña y Padrón), desenvolta pola Fundación Paideia Galiza, comparte obxectivos e finalidades co espazo Emprende Cultura Gaiás ou espazo Coworking promovido pola Fundación, e que se atopa situado no Centro de Emprendemento Creativo de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.



En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago a 16 de maio de 2016

Beatriz González Loroño

Directora Xerente

Fundación Cidade da Cultura de Galicia

(asinado dixitalmente)

